

從五中列正六品下階。從六下秩正七品下聯。從七下班正八品下序。從八下班正九品下進。從九下列文班預郡公爵者上秩侯上階伯上聯子上序男上制武班郡公爵上秩侍內監預郡公爵者亦上秩侯上聯伯上班餘者隨品其榮封功臣有推忠翊運佐理謹禮贊治揚武敬慎明義貞毅輔國協謀同德謙恭端雅竭節壯烈威勇剛正柔文効順純信敦厚宣力靜難二十四字當封者初加二字至八字爲人宜某字臨時特加。

按爵級之制自洪德校定差等詳明其散官通資榮封等列具有成憲歷代相承率由不改至有

黎三百餘年封拜之例一遵於此故今備載之云。

中興初爵級最重英宗天祐年間太師鄭公奏類各營將士戰功七百四十三員應加陞賞付下朝議計奏諸員已有侯伯爵者除衛司子男爵者升一次未有爵陞男爵帝從之付吏部掌部掌事少傅文溪伯張國花右侍郎仁美伯阮茂宜行敕旨頒賜時諸將受侯者翰林制誥阮侃並擬字號具本奉旨帝悉親爲點擇。

世宗光興十八年平莫還京詔諸營奇將士討賊有功已有爵者許陞一次未有爵者許陞男爵以示激勸其各屬官員許祇受明義竭節宣力功臣慎德弘定以後文階受爵尤貴左右侍郎職多從子爵黎弼因死寢爲戶禮左侍郎阮名惟阮克寬爲戶工左侍郎並子爵正和中尙書御史預參陪者尙有帶子男爵者如參從刑部尙書阮曰庶爵枚山男從都御史阮公望爵黎岸子其陞侯伯出自特加郡公爵非大勳望不預。

按有黎一代爵級極重自洪德定制以後歷代相承未常濫授爵人於朝必其久官歟歷在所簡注故命加而知榮恩施而彰勸庶司之所以激勵良以此也近時閏西封爵泛溢至于市夫與隸皆授侯伯名器之瀆如此欲求不亂可得哉。

卷十七

官職誌

爵祿資塗之別

爵級榮封

七二

附錄  
蔭叙

陳聖宗紹聖十年定宗室封蔭。皇宗王侯公主正派玉牒封蔭。號金枝玉葉。三世孫封郡王。四世孫賜爵明字五世孫上品爵依五服圖。

按有陳以前蔭叙不可復考。而陳之封蔭僅見於此。其文武之例則亦無稽云。  
黎仁宗太和七年定除蔭例。六品以上孫七八品男並免舊例。六品得免子至是兼免孫。七八品止免子諸宦者亦免親戚一人。廣推蔭澤自此始。

聖宗洪德二年定例。皇太子長子爲皇太孫。親王長子爲嗣親王。衆子皆封公。女皆封郡上主。皇太孫長子爲皇曾孫。衆子皆封伯。女封郡主。嗣親王及公長子皆封侯。衆子皆封伯。女皆封郡主。侯伯長子皆封子。衆子封男女。封郡君子。男諸子並封佐國政使。女並封郡君。佐國庶子封奉國使。女封上郡君。奉國使子封翊國使。女封縣君。翊國使子封亮國使。女封亞縣君。以上皇宗  
蔭封例

皇太后追封三代父封國公。母封國夫人。祖父封郡公。祖母封郡夫人。曾祖父封侯。曾祖母封正夫人。皇后追封二代父封郡公。母封郡夫人。祖父封侯。祖母封正夫人。三妃追封二代父封左都督母封端人。祖父封都督同知。祖母封順人。九嬪追封一代三昭父封都督同知。母封順人。三修父封都督僉事。母封淑人。三充父封都督指揮使。母封貞人。六職追封一代一級父封總知。母封徽人。二級父封同總知。母封碩人。三級父封僉總知。母封令人。四級父封管領。母封恭人。五級父封總管領。母封直人。六級父封正武尉。母封貞人。國太夫人追封一代父封同總知。母封碩人。國夫人追封一代父封僉總知。母封令人。以上后妃  
國公父祖父並封郡公。母祖母並封郡夫人。妻封國夫人。長子封

忠貞大夫。衆子封朝列大夫。長孫封弘信大夫。郡公。父祖父封侯。母祖母並封正夫人。妻封郡夫人。  
 長子封朝列大夫。衆子封弘信大夫。長孫封顯恭大夫。侯父祖父並封伯。母祖母並封序夫人。妻封  
 正夫人。長子封弘信大夫。衆子封顯恭大夫。長孫封茂材郎。伯父祖父並封太保。母祖母並封列夫  
 人。妻封序夫人。長子封顯恭大夫。衆子封茂材郎。長孫封茂材佐郎。以上功臣官員子孫封蔭武封陰退一級。正一  
 品父封左都督。從一品母封端人。從一品妻封徽人。從三品長子封茂材郎。正六品從一品父封都督同知。  
正二品母封順人。正二品妻封碩人。正四品長子封茂材佐郎。從六品正二品父封都督僉事。從二品母封淑人。  
從二品妻封令人。從四長子封謹事郎。正七從二品父封指揮使。正三母封貞人。正三妻封恭人。正五長子  
 封謹事佐郎。從七正三品父封總知。從三母封碩人。從三妻封安人。從五從三品父封僉總知。正四母封  
 碩人。正五妻封安人。正六正四品父封僉總知。從四母封令人。從四妻封端人。正五從四品父封管領。正五母  
 封恭人。正五妻封靜人。正七文封蔭退二級。正一品父封少保。正二母封順人。正二妻封令人。從四長子  
 封茂材佐郎。從一品父封太子太保。從二母封淑人。從三妻封恭人。正六長子封謹事郎。正七正二品父  
 封都御史。正三母封貞人。正三妻封安人。從六長子封謹事佐郎。從七從二品父封左諭德。從三母封徽人。  
從三妻封靖人。從七長子封進功郎。正八正三品父封左中允。正四母封碩人。正四妻封肅人。正八從三品父  
 封參政。從四母封令人。從四妻封慎人。從八正四品父封寺卿。正五母封恭人。正五妻封柔人。正九從四品父  
 封參政。從五母封宜人。從五妻封謹人。從九如得榮封者與武官同。凡京官寔授者須滿一考稱職方  
 許封贈。若外授者再考稱職方許封贈。其有才能卓異之人出特恩者不在此例。

玄宗景治二年准定開國功臣三太三少職以上許累代功臣孫中興功臣左右都督左侍郎以上。

卷十七 官職誌

爵位資之別

爵級榮封

七四

許累代官員子。四年准定內監各員饒蔭例。監官寔授三太三少職。郡公爵應許官員子八人。官員孫七人。左右都督職。郡公爵應許官員子七人。官員孫六人都督同知都督僉事職。郡公爵應許官員子五人。官員孫四人。提督參督署衛職。郡公爵提領參督職。侯爵應許官員子四人。官員孫三人。署衛職。侯爵伯爵。左右校點職。侯爵伯爵。應許官員子三人。官員孫二人。

熙宗永治二年定諸文官功臣及百官饒蔭例。自永祚初官軍以從回鑾與進發全二功預封功臣獲世蔭頗多。至是裁省降殺申明舊例定法開國功臣武自三公三少左右都督同知僉事文自尚書都御史左右侍郎等職並得累代功臣孫其兩班自三太三少左都督同知僉事等職並得五代官員子孫提領參督副提領副參督署衛與都總知使等職並得五代官員子孫提督都校點署衛左右校點與都總兵使總兵同知僉事等職。侯爵並得官員子孫都指揮使宣慰使總兵等職諸子官員子并長孫官員孫其某員有功臣字諸子方得官員孫都指揮同知總兵宣慰同知都指揮僉事指揮使都知宣慰僉事宣慰同知僉事總兵指揮僉事等職有軍功歷受勅命其諸子方得官員子初授饒男慎徽將軍力士校尉千戶都知副都知總制都尉管領招討使副力士校尉副千戶中尉中城郎將正武尉副管領招討同知招討僉事百戶正提轄副中尉提轄副武城副郎將左右前後郎防禦僉事等職有軍功寔授事者皆饒一男文自三太三少尚書都御史左右侍郎副都承旨等職並許五代承政使大學士祭酒侍讀僉都寺卿參議府尹學士侍講司業侍書校書等並得四代都科提刑侍制給憲使校理校討監察御史並資政通政僉事規仕寺卿經歷司訓及預中進士並得官員子孫參議通判中憲副少尹少卿僉事中書舍人司天令陵副丞斷事員外郎

通丞知府諸子並得官員子并長孫官員孫某有榮封功臣字方得諸孫官員孫其同知府典書正字卿丞長史修撰教授編錄校尉知縣知州司務照勘典史評事典都官知事洗馬典翰太醫院大使通判治中司天監監副丞卿官縣丞同知州司天監五官正學正院正使等職有歷任者始得諸子官員子初授只饒一男閣門使監簿待詔府尉副序班訓導侍讀諮議講諭衛尉主簿都事孔目知事醫副親驗濟生堂使良醫正良醫副齊訓通事使副司郎獄丞使所庫使稅使務勸農河堤承諭局正有寔授者只饒一男內監總太監都太監參掌監等職官員子四人官員孫二人太監參知同知監知等職官員子三人官員孫二人少監左右監承提點等職官員子二人官員孫二人司正司副奉御掌簿丞副等職官員子二人

裕宗保泰三年定功臣文武蔭例時開國功臣世廕遼遠詐冒者衆慎德弘定間諸臣以扈從回鑾賜功臣號襲廕亦多有雜濫又文武饒廕因循沿襲等級未明至是始行釐正定例開國功臣只許累代長支一人爲功臣孫中興功臣預在考第功績並許累代功臣孫文武預封功臣許五代四代三代有差文武二品以上許官員子孫與長子曾孫一人官員孫三品四品許官員子孫五品六品許諸子官員子長孫一人官員孫餘只免役七品八品諸子官員子初授者與九品并雜流止饒一男內監依舊文武例從遜品當一品至四品許養子三人五品六品許養子二人七品八品許養子八人文中場二職武屬員雜職定從遜品其武屬員初授准與七品武雜職初授准與正八品舊文三太三少左右都督郡公爵六部尙書依二品以上例舊文都御史左右侍郎副都承政使大學士祭酒侍讀僉都武都督同知都督僉事提督參督署衛郡公依三品四品舊文寺卿侍講參政學士

卷十七 言職誌

錄資塗之別

母級榮封

七六

司業侍書校書參政尹都科提刑侍制武提督參督署衛侯爵左右校點都使依五品列舊文給事憲察使校尉校討監察御史司訓武都督同都僉事依七品八品例舊侍內監預有職品已故者在辰巳許議官員子孫其所取二人已過者勿論如見存干人照令定所養之數或有餘者並行省減其餽祿不得從准例

按黎朝舊例歷代互有增減至保泰酌定有遜品正貳之別等級詳明始無濫雜蓋爲中興以後之定制云

○資塗

李朝科場未設仕途以選舉爲量次任子又次入貲工妓奴婢之子孫並不預敘錄入貲始補吏再入貲補承信郎稱職補知州

陳時已設科舉任用猶在不拘省院館局各職每以儒士能文爲之或以學生入中書如太宗時國佐以儒生爲中書省令布衣擢用入參政事或以布衣登密院如英宗時段汝諧以布衣擢用入參政事躋躋華要不泥資格然居官皆久於其職在館閣者十年出身在院者十五年出身云

按陳朝用人富爲公選科目雖設而選任之間惟才是與故士有抱負者往往得以自見不至爲資格之所拘限如龍興大慶間人才輩出拖朝紳履要地者學生與科甲並列仕途歟歷未常殊異當時列朝惟延之忠彦科甲餘如漢超師孟黎括范遇率皆由學士出身蓋惟問其人之可用而不以流品資途泥之也人文之盛其亦以此者也

黎初延寧太和間。仕途頗廣。御前學生與進士參用。縣教路使者常入爲臺官院職。如教授程伯恭陶復禮並爲監察御史安撫副使。阮直梁如鶴並爲翰林學士侍講。

如審刑院同知潘仁爲蒞仁路安撫副使。御史劉叔諒爲安朗縣轉運副使。

資途委任不拘。洪德中科榜

得人既盛。當辰辰院內官方面外任皆用進士爲之。其監生儒生有中場者推補府縣各職。

如陳登瀛武方大皆未進朝。或以寺卿知番或以侍郎致仕。

有以椽吏至尚書。如盛德間鄧世科。如景治間武惟忠。

詳錄除目科

未獲進朝亦有知番致仕。如陳登瀛武方大皆未進朝。或以寺卿知番或以侍郎致仕。

流品未常分別。永壽間定進朝之命貢士有功者。

許朝堂保舉應務。神宗以詹事譚世用隨講真宗有功旨賜保舉進朝。自是准爲定制。

見授者亦視職品爲崇卑。資途未分清濁。保泰初定例。

文屬特令遜品。其除封降授並遜進士二等。

雖披紅穿玉未預朝籍者。士夫不以爲榮。人始知有縉紳之重。保泰二年

以後定制文預科榜進朝爲預班。中場既登朝者擢用亦與大科同例。惟御史爲風憲之長。使臣係

邦交之任。必以進士當選。進朝不預餘雖權要之任。如參陪掌署者亦在不拘。

如保壽間譚公倣。景治初院貴憲。並以中場爲參從尚書。

中場爲署府司馬。然資途分別進朝與科榜。士流終以清濁岐之。

景興杜世佳亦以

按有黎中興以後。仕途以大科爲正間。雖有文士進朝獲躋華要。而士望人情。亦以殊流別視。誠以縉紳之途重而途格之設嚴也。然愚以爲取士固當先科目。而用人不可泥資途。預黃榜拖朝紳者。誠爲繫籍聖賢。但求其政事之才。未易多得。而士之通達世務者。又往往困於場屋之下。則夫選能而用之。拔績而擢之中場。資流亦是學問中出。而可以清濁岐之哉。第其閱閱之勞。加以爵廕之重。朝廷公道惟才是與。豈宜有所分別。拘拘焉以資格泥人。而有遜品殊流之別。愚恐其制之過矣。